

## ხელშეკრულება

### სახელმწიფო შესყიდვის შესახებ N1

(საქონლის შესყიდვა)

ქალაქი ფოთი

4 თებერვალი 2019 წელი

მხარეები, ერთის მხრივ ქალაქ ფოთის მუნიციპალიტეტის ტერიტორიის განვითარების ცენტრი (ს/კ: 415093981) შემდგომში წოდებული. როგორც „შემსყიდველი“, წარმოდგენილი მისი დირექტორის მიხეილ კილასონიას სახით და მეორეს მხრივ, შ.პ.ს., სუთია წყალი“ (ს/კ: 205150655) შემდგომში წოდებული, როგორც „მიმწოდებელი“, წარმოდგენილი მისი დირექტორის ირაკლი კალმახელიძის სახით, „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანების „გამარტივებული შესყიდვის კრიტერიუმის განსაზღვრისა და გამარტივებული შესყიდვის ჩატარების წესის“ მე-2 მუხლის „ა“ ქვეპუნქტის თანახმად, დებენ სახელმწიფო შესყიდვების შესახებ ხელშეკრულებას (შემდგომში „ხელშეკრულება“).

#### 1. ხელშეკრულების საგანი

1.1 წინამდებარე ხელშეკრულების საფუძველზე „მიმწოდებელი“ აწვდის „მომხმარებელს“ „ბინულის“ მარკის სასმელ წყალს (ლიცენზია N00980, გაცემული საქართველოს გარემოს დაცვისა და ბუნებრივი რესურსების სამინისტროს მიერ 2007 წლის 30 ნოემბერს) 19 ლიტრის მოცულობის მქონე ბოცებით, მოთხოვნის შესაბამისად და ამ მიზნით დროებით სარგებლობაში გადასცემს „მომხმარებელს“ სასმელი წყლის დისპენსერს და 19 ლიტრის მოცულობის ბოცას, ხოლო „მომხმარებელი“ კისრულობს ვალდებულებას მიიღოს მოთხოვნილი პროდუქცია და გადაიხადოს მისი ღირებულება ხელშეკრულებით გათვალისწინებული წესით.

1.2 შესყიდვის საშუალება - გამარტივებული შესყიდვა.

1.3 კლასიფიკატორის დანაყოფი - 41100000 - ბუნებრივი წყალი.

1.4 კლასიფიკატორის (CPV) კოდი - 41110000 - სასმელი წყალი.

#### 2. პროდუქციის ღირებულება და ანგარიშსწორების პირობები

2.1. ხელშეკრულებით გათვალისწინებული პროდუქციის - 55 ერთეული „ბინულის“ მარკის სასმელი წყლის (19 ლიტრი მოცულობის ბოცით) ღირებულებაა 550 (ხუთასორმოცდაათი) ლარი, დღგ-ს ჩათვლით.

2.2. პროდუქციის ოდენობა და მიწოდების ვადები განისაზღვრება ეტაპობრივად მიწოდებულ პროდუქციაზე გაფორმებული შესაბამისი სასაქონლო ზედნაღების ან/და მიღება-ჩაბარების აქტით.

2.3. პროდუქციის ღირებულებას „მომხმარებელი“ ურიცხავს „მიმწოდებელს“ ფაქტობრივად მიწოდებულ პროდუქციაზე გაფორმებული სასაქონლო ზედნაღების ან/და მიღება-ჩაბარების აქტის გაფორმებიდან 10 (ათი) საბანკო დღის ვადაში.

2.4. ანაზღაურება ხორციელდება უნაღდო ან ნაღდი ანგარიშსწორების ფორმით.

2.5. შემსყიდველის მიზიდვას მიღება-ჩაბარების აქტზე ხელმოწერა, უფლებამოსილ პირს წარმოადგენს, ქალაქ ფოთის მუნიციპალიტეტის ტერიტორიის განვითარების ცენტრის ხელმძღვანელი, რომელიც ხელს აწერს ქალაქ ფოთის მუნიციპალიტეტის ტერიტორიის განვითარების ცენტრის სახელით დადებული სახელმწიფო შესყიდვების შესახებ ხელშეკრულების შესრულების მიღება-ჩაბარების აქტებსა და მასთან დაკავშირებულ დოკუმენტაციას. სამსახურის ხელმძღვანელის არყოფნის შემთხვევაში, მიღება-ჩაბარების აქტებზე ხელს აწერს სამსახურის უფროსის მოვალეობის შემსრულებელი.

2.6 მიღება-  
ჩაბარების აქტის გაფორმების საფუძველს წარმოადგენს ხელშეკრულების შესრულების კონტროლზე პასუხისმგებელი

ბელიპირის მიერ დამონმებული დამიწოდებლის მიერ წარმოდგენილი ანგარიშები (განეული მომსახურების შესახებ).

### **3. მხარეთა უფლება-მოვალეობები**

3.1. „მიწოდებელი“ იძლევა გარანტიას, რომ მიწოდებული პროდუქციის ხარისხი შეესაბამება საქართველოში მოქმედ სანიტარულ ნორმებს და სტანდარტებს.

3.2. „მიწოდებელი“ საკუთარი ხარჯებით უზრუნველყოფს პროდუქციის მიწოდებას „მომხმარებლის“ მიერ მითითებულ მისამართზე ეტაპობრივად, „მომხმარებლის“ მიერ წერილობითი, ან სატელეფონო მოთხოვნის შესაბამისად.

3.3. „მიწოდებელი“ ვალდებულია ხელშეკრულების გაფორმებიდან 24 საათის განმავლობაში განათავსოს „მომხმარებლის“ მისამართზე მოთხოვნილი რაოდენობის 19 ლიტრიანი „ბინულის“ მარკის წყლით სავსე ბოცა და სასმელი წყლის დისპენსერი, რაზედაც შესაბამისად ფორმდება სასაქონლო ზედნაღების ან/და მიღება-ჩაბარების აქტი.

3.4. სასმელი წყლის დისპენსერი და 19 ლიტრიანი მოცულობის ბოცა საკუთრების უფლებით ეკუთვნის „მიწოდებელს“ და „მომხმარებელს“ ისინი გადაეცემა დროებით სარგებლობაში, ხელშეკრულების მოქმედების ვადის ამონურვამდე.

3.5. იმ შემთხვევაში, თუ „მომხმარებელი“ გადაწყვეტს შეიძინოს „მიწოდებლისაგან“ „3.4.“ პუნქტით განსაზღვრული წყლის დისპენსერი, აღნიშნული ქონება გადავა „მომხმარებლის“ საკუთრებაში.

3.6. „მომხმარებელი“ ვალდებულია „მიწოდებლისაგან“ შეიძინოს წლის განმავლობაში არანაკლებ 60 (სამოცი) ერთეული (თვეში დაახლოებით 5 (ხუთი) ერთეული) „ბინულის“ მარკის სასმელი წყალი (19 ლიტრიანი მოცულობის ბოცით) ერთ დისპენსერზე გადაანგარიშებით, წინააღმდეგ შემთხვევაში „მიწოდებელი“ უფლებამოსილია შეწყვიტოს ხელშეკრულება და გამოითხოვოს „მომხმარებლის“ დროებით სარგებლობაში არსებული ქონება.

3.7. „მომხმარებელი“ ვალდებულია გაუფრთხილდეს, დაიცვას მექანიკური დაზიანებისაგან და განადგურებისაგან „3.3.“/“3.4.“ პუნქტით განსაზღვრული, მის დროებით სარგებლობაში არსებული ქონება და არ დაუშვას დისპენსერის და ბოცის გამოყენება „ბინულის“ მარკის წყლის გარდა სხვა სახის სითხისათვის.

3.8. „მომხმარებლის“ მიზებით „3.3.“/“3.4.“ პუნქტით გათვალისწინებული ქონების მექანიკური დაზიანების ან განადგურების შემთხვევაში, იგი უნაზღაუროს „მიწოდებელს“ თითოეულ სასმელი წყლის დისპენსერისათვის - 380 (სამასოთხმოცი) ლარს, ხოლო თითოეული 19 ლიტრიანი ბოცისათვის - 30 (ოცდაათ) ლარს.

3.9. „მომხმარებელი“ იღებს ვალდებულებას აანაზღაუროს „მიწოდებლის“ ფაქტიურად მიწოდებული პროდუქციის ღირებულება ხელშეკრულების პირობებში ასახულ ვადებში და ფორმით.

### **4. მხარეთა პასუხისმგებლობა**

4.1. მხარეები პასუხს აგებენ წინამდებარე ხელშეკრულების შეუსრულებლობის, ან ნაწილობრივ შესრულებისთვის მოქმედი კანონმდებლობის შესაბამისად.

### **5. ფორს-მაჟორი**

5.1. ფორს-მაჟორული გარემოებების დადგომის შემთხვევაში, ვალდებულებების შეუსრულებლობა არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

5.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებელ და მათი კონტროლისაგან დამოუკიდებელ გარემოებას, რომელიც არ არის დაკავშირებული მათ შეცდომებთან და დაუდევრობასთან და რომელსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ემბარგოს დაწესებით და სხვა.

### **6. ხელშეკრულების პირობების შეცვლა, დავათა განხილვა**

6.1. ხელშეკრულების პირობების შეცვლა დასაშვებია მხარეთა წერილობითი შეთანხმებით აგრეთვე, საქართველოს სამოქალაქო კოდექსის 398-ე მუხლით გათვალისწინებული შემთხვევით.

6.2. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკების მეშვეობით შეთანხმებით მოავგარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

6.3. თუ ასეთი მოლაპარაკების დაწყებიდან 30 (ოცდაათი) დღის განმავლობაში მხარეები ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია მიმართოს სასამართლოს.

## 7. ხელშეკრულების მოქმედების ვადა

7.1. საქონლის მიწოდება განხორციელდება ხელშეკრულების გაფორმებიდან 2019 წლის 25 დეკემბრის ჩათვლით. ხელშეკრულება ძალაში შედის მხარეთა მიერ ხელმოწერისთანავე და მოქმედებს 2020 წლის 31 იანვრის ჩათვლით.

7.2. თუ ხელშეკრულების ვადის გასვლამდე 10 დღით ადრე, არცერთმა მხარემ წერილობით არ გამოთქვა სურვილი ხელშეკრულების შეწყვეტის შესახებ, ხელშეკრულება ავტომატურად გაგრძელდება ყოველ ჯერზე ერთი წლის ვადით.

## 8. ხელშეკრულების სხვა პირობები

8.1. ხელშეკრულება შედგენილია სამ ფურცელზე, თანაბარი იურიდიული ძალის მქონე ორ ეგზემპლარად თითოეული მხარისათვის.

8.2. ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოს მოქმედი კანონმდებლობის შესაბამისად.

## 9. მხარეთა რეკვიზიტები

### „მიმწოდებელი“

შპს „სუფთა წყალი“

ს/კ: 205150655

სს „საქართველოს ბანკი“

ა/ა:

GE13BG000000129766400GEL

ბანკის კოდი: BAGAGE22,

მისამართი: ფალიაშვილის

ქ. N118,

ტელეფონი: 2 439 439

Mail:info@binuli.ge

დირექტორი:

### „შემსყიდველი“

ა(ა)იპ ქალაქ ფოთის მუნიციპალიტეტის ტურიზმის განვითარების ცენტრი

მის: ქ. ფოთი, 9 აპრილის 15

ს/კ № 415093981

დირექტორი:

მიხეილ კილასონია

**ქალაქ ფოთის მუნიციპალიტეტი**

სასმელი წყლის შესყიდვა

ფასების ცხრილი

| № | საქონლის დასახელება             | ბოცების რაოდენობა (1 თვეზე) | ბოცების რაოდენობა (11 თვეზე) | ერთეულის ფასი ლარებში | საერთო ღირებულება ლარებში | მინოდების ადგილი                      |
|---|---------------------------------|-----------------------------|------------------------------|-----------------------|---------------------------|---------------------------------------|
| 1 | წყალი ბინული (19 ლიტრიანი ბოცა) | 5 ცალი                      | 55                           | 10,00                 | 550                       | ქალაქი ფოთი<br>აღმაშენებლის<br>ქ. N12 |
|   | სულ ჯამი:                       |                             |                              |                       | 550                       |                                       |

„შემსყიდველი“

„მიმწოდებელი“

ა(ა)იპ ქალაქ ფოთის მუნიციპალიტეტის ტურიზმის განვითარების ცენტრი

შპს „სუფთა წყალი“

-----  
დირექტორი  
მიხეილ კილასონია

-----  
დირექტორი  
ირაკლი კალმახელიძე

